

Sarkina Bt Mat Saad @ Shaari

From: Unit Komunikasi Korporat
Sent: Thursday, July 12, 2018 1:10 PM
To: UUM - All Staff; UUM - All Students
Subject: SIFEC 2018 Bincang Cabaran Kewangan Islam



Unit Komunikasi Korporat
CORPORATE COMMUNICATION UNIT
Universiti Utara Malaysia

12 JULAI 2018 / 28 SYAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media

SIFEC 2018 BINCANG CABARAN KEWANGAN ISLAM



UUM ONLINE: *Sarajevo Islamic Finance And Economics Conference (SIFEX) 2018* membincangkan isu cabaran dalam pembangunan kewangan Islam di perpustakaan Gazi Husrev-Bey, Bosnia dan Herzegovina, Sarajevo.

Persidangan yang disertai negara Eropah dan Asia Barat dirasmikan oleh Tuan Yang Terutama Duta Malaysia ke Bosnia, Tuan Zakry Jaafar diikuti Ucaptama Tokoh Ekonomi Islam, Prof. Mohamed Iqbal Asaria dari United Kingdom.

Tirai persidangan dibuka dengan Sidang Panel yang terdiri daripada panel antarabangsa seperti Dr. Natalie Schoon, Alquity Transforming Lives Foundation, United Kingdom; Prof. Dr. Asmadi Mohamed Naim, Dekan Pusat Pengajian Perniagaan Islam, IBS UUM; dan Kuveyt Turk Bank Private Banking and Wealth Management Group Manager, Turki Dr. Okan Acar.

Menurut Asmadi, bertemakan Cabaran dalam Ekonomi dan Kewangan Islam di Eropah, persidangan dirancang dengan beberapa sesi selari yang turut melibatkan pensyarah UUM, Prof. Madya Dr. Zairani Zainol.

Ulasnya, seminar ini merupakan anjuran bersama Pusat Pengajian Perniagaan Islam, IBS UUM; European Association of Islamic Economics, Banking and Finance (EUIEBIF) dan School of Economics and Business, Universiti Sarajevo, Bosnia.

“Saya bersyukur kerana penglibatan dalam persidangan berimpak tinggi dapat mengetengahkan UUM sebagai pusat pengajian Perniagaan Islam kepada masyarakat dunia sebagai satu cara membawa pakar UUM menyertai acara global.

“Program ini penting kepada IBS UUM terlibat dalam program yang mempunyai impak tinggi dengan masyarakat global.

“UUM juga telah memeterai Mou dengan Universiti Sarajevo dalam melakukan pelbagai kerjasama akademik dan mereka berhasrat meneruskan kerjasama pada masa akan datang,” katanya.

Jelasnya, ini merupakan kali pertama IBS UUM dijemput berkongsi ilmu dan melatih peserta mengenai praktis kewangan Islam di Malaysia yang berkembang pesat.

“Saya berharap supaya bidang ilmu perniagaan Islam akan terus berkembang dan IBS UUM menjadi sebahagian agen penting dalam perkembangan tersebut hasil daripada program ini di samping peserta dapat melihat pendekatan berbeza bagi setiap negara,” luahnya.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.